



Sindikata policijskih službenika Federalne uprave policije



SAMOSTALNI SINDIKAT DRŽAVNIH SLUŽBENIKA I  
NAMJEŠTENIKA

U ORGANIMA DRŽAVNE SLUŽBE, SUDSKOJ VLASTI I JAVNIM  
USTANOVAMA

U FEDERACIJI BOSNE I HERCEGOVINE

Sindikalna organizacija FUP Centar za forenzička ispitivanja, vještačenja i  
istraživanja

Broj : 54/22

Datum : 30.11.2022. godine.

BOSNA I HERCEGOVINA  
Federacija Bosne i Hercegovine  
FEDERALNO MINISTARSTVO UNUTRAŠNJIH POSLOVA  
FEDERALNO MINISTARSTVO UNUTRAŠNJIH POSLOVA  
SARAJEVO

Broj: .....

Datum: 30 -11- 2022 .108.

FEDERALNO MINISTARSTVO UNUTRAŠNJIH POSLOVA  
KABINET MINISTRA  
N/R MINISTRA  
Gosp. Aljoša Čampara

*Filda*

**PREDMET :** Zahtjev za preispitivanje reprezentativnosti Sindikata službenika  
Federalnog ministarstva unutrašnjih poslova, d o s t a v l j a s e :-

Poštovani,

Na osnovu člana 23. i 24. Zakona o reprezentativnosti sindikata i udruženja  
poslodavaca FBiH (Službene novine FBiH br. 103/21) "Sindikata policijskih službenika  
Federalne uprave policije" i Sindikalna organizacija "Federalna uprava policije -  
Centar za forenzička ispitivanja, vještačenja i istraživanja" Samostalnog sindikata  
državnih službenika i namještenika u organima državne službe, sudskoj vlasti i  
javnim ustanovama u Federaciji Bosne i Hercegovine podnose Zahtjev za  
preispitivanje "kućne" reprezentativnosti "Sindikata službenika Federalnog  
ministarstva unutrašnjih poslova", koja je dodjeljena vašim rješenjem broj: 01-07-  
07/1-49-1-236 od 19.04.2016. godine.

Upoznati ste da unutar Federalnog ministarstva unutrašnjih poslova trenutno  
postoje tri sindikata i to: Sindikat policijskih službenika Federalne uprave policije,  
Sindikalna organizacija "Federalna uprava policije Centar za forenzička ispitivanja,  
vještačenja i istraživanja" Samostalnog sindikata državnih službenika i namještenika  
u organima državne službe, sudskoj vlasti i javnim ustanovama u Federaciji Bosne i  
Hercegovine i Sindikat službenika Federalnog ministarstva unutrašnjih poslova.  
Obzirom da su nastupile nove činjenice i okolnosti tražimo od Vas da preispitate  
reprezentativnost Sindikata službenika FMUP-a i istu oduzmete iz razloga jer  
navedeno udruženje ne ispunjava uslove predviđene članom 6. stav (1) Zakona o  
reprezentativnosti sindikata i udruženja poslodavaca FBiH, odnosno ne ispunjava  
uvjet da ima najmanje 20% članova u odnosu na ukupan broj zaposlenih kod  
poslodavca.

Također, ističemo da je Samostalni sindikat državnih službenika i  
namještenika u organima državne službe, sudskoj vlasti i javnim ustanovama u  
Federaciji Bosne i Hercegovine **jedini reprezentativni sindikat za područje FBiH,**




odnosno jedini legitimni predstavnik državnih službenika i namještenika zaposlenih u organima državne službe, sudske vlasti i javnim ustanovama u Federaciji Bosne i Hercegovine, te kao takav jedini je ovlašten za potpisivanje kolektivnih ugovora i jedini je upisan u Registar reprezentativnih sindikata i poslodavaca kod Federalnog ministarstva rada i socijalne politike. Obzirom da u sklopu Federalnog ministarstva unutrašnjih poslova djeluje sindikalna organizacija gore navedenog sindikata, koja opri njihovu reprezentativnost, nameće se zaključak da je sindikalna organizacija "Federalna uprava policije – Centar za forenzička ispitivanja, vještačenja i istraživanja" jedini sindikat reprezentativan po pitanju radno pravnih odnosa i statusa državnih službenika i namještenika unutar Federalnog ministarstva unutrašnjih poslova.

Kako na nivou Federacije BiH već postoji gore navedeni, reprezentativan sindikat koji zastupa prava i interese državnih službenika i namještenika i koji broji preko 14000 članova, Sindikat policijskih službenika Federalne uprave policije je osnovan kao granski sindikat, vodeći se isključivo interesom policijskih službenika Federalne uprave policije i trenutno broji preko 260 članova, policijskih službenika, što predstavlja veći broj članova od ukupnog broja članova udruženja kojem ste u ranijem periodu izdali rješenje o reprezentativnosti.

U cilju sprečavanja daljeg manipulisanja i dezavuisanja uposlenika Federalnog ministarstva unutrašnjih poslova, kako državnih službenika i namještenika, tako i policijskih službenika, molimo Vas da u skladu sa pozitivnim zakonskim propisima, a poštujući slobodu volje i udruživanja svakog uposlenika, postupite po našem Zahtjevu, provjerite gore navedene činjenice i na osnovu utvrđenog činjeničnog stanja donesete odluku o ukidanju reprezentativnosti Sindikata službenika FMUP-a. Posebno ukazujemo na činjenicu da u sklopu Federalnog ministarstva unutrašnjih poslova djeluje sindikat, koji je dio jedinog reprezentativnog sindikata na području FBiH i granski Sindikat koji zastupa isključivo prava policijskih službenika.

Predstavnici Sindikata policijskih službenika FUP-e, kao i sindikalne organizacije "Federalna uprava policije – Centar za forenzička ispitivanja, vještačenja i istraživanja" stoje vam na raspolaganju i očekujemo Vašu podršku. Smatramo da je u narednom periodu potrebno održati radni sastanak sa Vama cijenjeni gospodine ministre, a kako bi Vam iznijeli svu problematiku i poteškoće sa kojim se svakodnevno susrećemo u svom radu, u nadi da ćete u zakonom dozvoljenim granicama podržati naš rad.  
S poštovanjem,

**PREDSJEDNIK UPRAVNOG ODBORA  
SINDIKAT POLICIJSKIH SLUŽBENIKA FUP**

  
Aldin Sinanović



**PREDSJEDNIK SINDIKALNE ORGANIZACIJE  
FEDERALNA UPRAVA POLICIJE CENTAR ZA FORENZIČKA ISPITIVANJA,  
VJEŠTAČENJA I ISTRAŽIVANJA**

  
Iva Trezner